

Ministarstvo unutrašnjih poslova Kantona Sarajevo, ulica La Benevolencija broj 16,  
koje zastupa ministar, Admir Katica, (u daljem tekstu Kupac)

i

„GRANULO-RE" d.o.o. Sarajevo, ul. Bojnička broj 47, ID broj 4200004570000, koje  
zastupa izvršni direktor, Granulo Eldar (u daljem tekstu: Dobavljač)

zaključili su:

**UGOVOR O NABAVCI USLUGA VEZANIH ZA IZRADU PROCJENE RIZIKA ZA  
RADNA MJESTA SA ASPEKTA ZAŠTITE NA RADU ZA POTREBE  
MINISTARSTVA I UPRAVE POLICIJE**

**PREDMET UGOVORA**

**Član 1.**

Predmet ugovora je nabavka usluga vezanih za izradu procjene rizika za radna mjesta sa aspekta zaštite na radu za potrebe Ministarstva i Uprave policije, po provedenom otvorenom postupku, na osnovu obavještenja o nabavci broj 1364-1-2-67-3-49/24 od 30.04.2024. godine i Odluke o dodjeli ugovora broj 04-1-11-4-20497-8 od 14.06.2024. godine, a u skladu sa uslovima iz tenderske dokumentacije i prihvaćenom ponudom dobavljača, broj 60-05/24 od 06.06.2024. godine i izvještajem o provedenoj e-aukciji, je sastavni dio ovog ugovora.

**VRIJEDNOST I ROK ISPORUKE**

**Član 2.**

Vrijednost predmetne nabavke usluga iz člana 1. ovog ugovora sa uračunatim PDV-om, iznosi: 36.211,50 KM. (tridesetšesthiljadadvijestotinejedanaest 50/100 KM sa PDV-om).

Dobavljač se obavezuje da cijene postignute na e-aukciji neće mijenjati do isteka ovog ugovora.

**Član 3.**

Dobavljač se obavezuje da ugovorenu uslugu izvrši najkasnije do 31.12.2024. godine, a nakon obostranog potpisivanja ugovora.

**Član 4.**

Ugovorni organ će Isporučiocu izvršiti plaćanje ugovorene vrijednosti iz člana 2. ovog ugovora, najkasnije u roku od 30 dana od dana dostavljanja akta o procjeni rizika i po dostavljanjoj fakturi.

**Član 5.**

Dobavljač je dužan dostaviti Garanciju za uredno izvršenje posla u roku od 10 dana od dana zaključivanja / obostranog potpisivanja ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana. Garantni rok za izvršene usluge je 30 dana od dana izvršenja ugovora i ispostavljanja računa za izvršenu uslugu.

#### Član 6.

Dobavljač nema pravo na promjenu ugovorene cijene, po bilo kom osnovu i u tom smislu utvrdene jedinične cijene prihvaćene Ponudom smatraju se fiksnim i nepromjenljivim.

#### Član 7.

Pored obaveza koje su predviđene važećim propisima i ovim Ugovorom, Dobavljač usluge je obavezan pri izradi procjene rizika obaviti pregled i ispitivanje uslova radne sredine (fizičkih, hemijskih i bioloških ispitivanja štetnosti i mikroklimе u radnim i pomoćnim prostorima, procjenu rizika radnih mjesta i mjesta), kao i identificirati poslove sa povećanim rizikom, kojim i pored potpuno ili djelimično primijenjenih mjera u skladu sa predmetnim zakonom postoje okolnosti koje mogu da ugroze sigurnost i zdravlje radnika.

#### Član 8.

Informacije koji se odnose na podatke o poslodavcu, radnim mjestima i mjestima rada u radnoj okolini kod Ugovornog organa, analizu i procjenu prikupljenih podataka, te sistematsko evidentiranje i procjenu svih faktora u procesu rada koji se odnose na moguće vrste štetnosti i opasnosti na radnim mjestima i mjestima rada u radnoj okolini koje mogu izazvati rizik od nastanka povreda, profesionalnih oboljenja ili oštećenja zdravlja radnika, Dobavljač je dužan čuvati poslovnu tajnu, kao i sve podatke i interne akte koje bude koristio u cilju izrade procjeni rizika (uz potpisanu izjavu o povjerljivosti sa odabranim ovlaštenim ponudačem).

Dobavljač će dostaviti izjavu pod punom materijalnom i krivičnom odgovornošću da podatke koje bude koristio u procesu realizacije ugovora neće prenositi trećim licima.

#### Član 9.

Dokument o procjeni rizika izraditi u printanoj i digitalnoj formi traženoj tenderskom dokumentacijom.

#### Član 10.

Dokument procjene rizika je u printanoj formi potrebno izraditi u 2 (dva) primjerka, u formatu A4 ukoričen u tvrdi uvez (knjigu) za Ministarstvo unutrašnjih poslova Kantona Sarajevo i Upravu policije Ministarstva unutrašnjih poslova Kantona Sarajevo i dostaviti Ugovornom organu zajedno sa gore navedenom digitalnom formom.

#### Član 11.

Dobavljač se obavezuje da će usluge iz ovog ugovora biti obavljene tačno i u svemu prema Metodologiji za izradu procjene rizika radnih mjesta i mjesta rada prema prihvaćenoj ponudi, stručno i korektno u skladu sa pravilima posla, običajima i standardima struke, te materijalnim propisima koji reguliraju predmetnu oblast.

#### Član 12.

Ako Dobavljač usluge ne ispuní svoju ugovornu obavezu u pogledu roka izvođenja usluge prema dinamici Ugovornog organa i Izvršioca usluge, te u slučaju kašnjenja u izvođenju usluge preko ugovorenog roka, Dobavljač će platiti Ugovornom organu penale u iznosu od 1% (promil) od ugovorene vrijednosti za svaki dan zakašnjenja.

#### Član 13.

Pored obaveza koje su predviđene važećim propisima, a u skladu sa odredbama ovog Ugovora, Ugovorni organ je obavezan da:

- Obezbjedi Dobavljaču nesmetan pristup i uvid radnom prostoru, objektima, potrebnoj dokumentaciji i ostalim potrebnim elementima relevantnim za izradu procjene rizika. - Izvrši plaćanje na način utvrđen ovim ugovorom

#### Član 14.

Ugovorni organ zadržava pravo jednostranog raskida ugovora ukoliko Dobavljač ne ispoštuje ugovorene obaveze.

#### Član 15.

Dobavljač nema pravo da zapošljava, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora, odnosno od početka realizacije ugovora.

#### Član 16.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnosti suda u Sarajevu.

#### Član 17.

Ovaj ugovor sačinjen je u 4 (četiri) istovjetna primjerka, od kojih po 2 (dva) primjerka zadržava svaka od ugovornih strana.

**DOBAVLJAČ**  
**GRANULO-RE d.o.o. SARAJEVO**

izvršni direktor, Granulo **Eldar**

Broj: 93-07/24

Datum: 29.07.2024.

